



Ukuhlomisa izingane zethu
ngelikusasa

SS 2

Isihloko sesifundo: Isimangaliso sokuqala sikaJesu

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: **Isimangaliso sokuqala sikaJesu**

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi uthule kanjani lesi Sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.3: Lesisifundo silungele ibanga le SS 2. 2.4: Uyacelwa uthinte uThisha wakho we SS 2 uma udinga noma yiluphi usizo noma uma udinga ezinye izinsizakufunda kulezi ezingenhla.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba uthule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Okufanele ukwenze
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela.
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo se **SS 2** nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	Isimangaliso sokuqala sikaJesu
Umbhalo weBhayibheli	NgokukaJohane 2: 1-11
Inhloso yesifundo	Izingane zifunda ukuthi uJesu angenza okungenakwenzeka kumuntu. NjengeNdodana kaNkulunkulu unamandla. Lolwazi luqinisa ukholo lwezingane.

Isifundo esifingqiwe:

- INkosi uJesu nabafundi baKhe babemenyiwe emshadweni owawuseKhana (eGalile), lapho bahlala phakathi kwezivakashi zomshado ezijabule futhi bejabulela ukudla neziphuzo.
- UMariya, unina kaJesu, naye wayekhona futhi wajabula kakhulu ukuphinde abone iNdodana yakhe.
- Maphakathi nomkhosi, izisebenzi zaqala ukuhlebelana zodwa njengoba izingilazi zewayini zezivakashi eziningi zazingenalutho; iwayini laphela ngenkathi idili lisesekude nokuphela.
- UMariya wakubona lokhu futhi watshela uJesu. Wabe esondela ezincekwini, wakhomba uJesu wathi kuzo: "Yenzani noma yini Yena anitshela yona" .
 - Ngaphandle kwegceke bekukhona izimbiza zamanzi eziyisithupha izivakashi ebezigeza kuzo izandla andukuba zihlale phansi zidle. INkosi uJesu yayala izisebenzi: "Gcwalisani lezi zimbiza ngamanzi!". Izisebenzi zamlaela uJesu.
- Khona-ke uJesu wabe esethi kuzo: "Manje thathani niwayise kumphathi womkhosi." Izisebenzi zazididekile kodwa zakhumbula amazwi kaMariya.
- Kwabe sekwenzeka isimangaliso. Amanzi ashintshwa aba yiwayini!
- Izindaba zesimangaliso zaqala ukusabalala phakathi kwezivakashi, bonke babheka iNkosi uJesu, bazibuza ukuthi, "Ingabe ngubani lo ongenza isimangaliso esinjena na?"
- Abafundi bajabula. Bawabonile amandla eNkosi.
- Ukholo lwabo lwaqiniswa.
- Babefuna ukulandela iNdodana kaNkulunkulu futhi bahlale naYo ingunaphakade.

Ingabe sisho ukuthini lesisifundo kithina namhlanje na?

- UMariya wanikeza izisebenzi iseluleko esibalulekile ngalolo suku: "Yenzani noma yini anitshela yona". Nathi, kufanele silalele futhi silandele izeluleko zabefundisi (IziNceku) bethu nabazali.
- Lesi kwaba yisimangaliso sokuqala kweziningi ezenziwa yiNkosi uJesu. UJesu uyiNdodana kaNkulunkulu futhi nguYena kuphela onamandla okwenza izimangaliso.
- Namuhla, siyaqhubeka nokuzwa izimangaliso zeNkosi ezimpilweni zethu, okuqinisa ukholo lwethu.
- Lezi zimangaliso zikhombisa uthando lwaKhe kithina.
- Njengabafundi, kumele sifune ukulandela iNdodana kaNkulunkulu futhi siyithwale ezinhliziyweni zethu kuze kube phakade.



Eminye imibuzo esingayibuza:

1. Ingabe uMariya wazitshela ini izisebenzi ukuba ziyenze na?

Impendulo: Watshela izisebenzi ukuthi zenze noma yini uJesu athi bayenze.

2. Ingabe yisiphi isimangaliso esenziwa uJesu ngalolo suku na?

Impendulo: UJesu waphendula amanzi aba yiwayini.

3. Ingabe basabela kanjani abafundi na?

Impendulo: Ukholo lwabo kuJesu lwaqiniswa futhi bafuna ukumlandela ingunaphakade.

UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes